



*Selasa, 05 Januari 2021*

**Ogen: Pilipi 4:12-13**



**Enggo Dat Aku Rahasina**



Rahasia nggeluh simaksudken Paulus i jenda eme desken kunci entah pe tips nggeluh. Ertina desken sada pintu uga galangna pe pintun e adi i bas kita kuncina maka banci si talangi. Bage pe tips, eme teknik entah cara si mereken reh mesunahna guna ndahiken sada dahin. Umpamana adi si dat tips (cara) naka durin, maka aminna mbue pe durina la kita kena janah isina si lit i bas pe banci ibuat alu sikap.

Bage me si imaksudken Paulus maka si penting man banta uga ndatken kunci entah pe tips kegeluhen enda. Kai dage rahasia, kunci entah tips i bas kegeluhen enda? Renungenta wari enda ngajuk mabai kita erlajar arah kai si geluhken Paulus, nina eme Nggeluh i bas Kristus (bdk. 4:10). Nggeluh i bas Kristus paksa genduari eme nggeluh i bas Kata Dibata. Arah Kata Dibata (Pustaka Si Badia) si eteh maka Jesus enggo menang i bas kegeluhen enda. Kerina perbeben manusia ngasup IA nalukenca. Musuh si mbelinna i bas manusia eme kematen, sabab upah doasa eme kematen e. Janah kematen pe enggo italuken Jesus.

Perjumpaan Paulus ras Jesus tupung idilo Jesus ia jadi rasulna erbahanca berubah kerina kegeluhen Paulus. Lanai ia teriket ku bas "masa lalu" kegeluhenna. Mbarenda hebat akapna bana selaku kalak Jahudi tulen, golongan Parisi, sekolahna pe meganjang. Tapi kerina si enda (cara nggeluh si dekah, cara nggeluh doni) kepe enggo jadi kebodohen iakapna. Nggeluh i bas Kristus idatna kedamen, kepastin, kuasa (gegeh) ras tujuan nggeluh. Seh maka kai pe jadi, lanai ndele atena sebab enggo idatna si mehergana eme keselamatan arah kinitekenna man Jesus. Jadi, bage me kita kerina rahasia nggeluh eme nggeluh i bas Kristus. Alu bage ibas kita ndalani geluhta, situasi kai pe, la siakap mesera sabab enggo ibas tanta kuncina, pakelah